



Aalisarneq pillugu EU-mut isumaqatiissutip sivitsorneqannginnissaa aammalu EU-mi OCTA-mut ilaasortaajunnaarnermi pitsaaqutissat ajoqutissallu pillugit oqallisissiaq.

(Inatsisartunut ilaasortaq Pele Broberg, Naleraq)

Qujanaq Inatsisartunut ilaasortaq Pele Broberg siunnersuummut.

Nunat assigiinngitsut akornanni naalakkersuinermi aammalu nunat assigiinngitsut akornanni niuernermi, akeqanngitsoqanngilaq. Kikkut tamarmik suliniuteqarput, isumaqatigiissuteqarnerni namminneq ingerlatamik imaluunniit namminneq nunagisamik annerpaamik isertitsissutiginnissaat. Tamannalumi aamma atuuppoq isumaqatigiissutitut maani nunatsinniit allanut isumaqatigiissusiarisartakkatsinni.

Kipparilaartumik oqaatigineqarsinnaavoq, maannakkut EU-mut isumaqatigiissutitta EU-mi tamarmi akitsuutitaqanngitsunik niuvernissamik periarfissikkaatigut aammalu EU-mit tapiissutit pinissatsinnut katillugit 392 millioner koruuninik. Attaatitullu uagut EU-mut aalisagassiisarluta.

Tassaniluuna, immitsinnut aperisariaqalersugut ilumut isumaqatigiissut pitsaasuunersoq? Siunnersuuteqartup isumagerpasippaa, siunnersuut pitsaasuunngitsoq unitsittariaqartorlu.

Demokraatini assorujussuaq pingaartipparput, akitsuutitaqanngitsunik niuersinnaanerput EU-mut, taamaangippat pitsaanngitsunik annertuunik kinguneqarnerlussamat pingaartumik aalisarnermik ingerklatsisutsinnut, nunat assigiinngitsut akornanni unammillertiminnut unammillerniarnerat ajorseriarsinnaamat. Tamanna ingerlatatsinnut pitsaasuussanngilaq, naggataatigullumi tamatsinnut, nunatta karsianut isertussat ikinnerulernerannik kinguneqartussaamat.

Taakku saniatigut uparuassallugu pingaartuuvoq, Naalakkersuisut nalilerpaat, aalisagartassatut pisassiissutit ullumikkut EU-mut tunniuttakkagut nammineerluta tamakkeraluarutsigilluunniit, nunatta karsia 190 millioner koruuninik pissarsisinneqassasoq isertitaqarnerunikkut akileraarutitigut allaniillu. Akerlianillu EU-p tassaqa 392 millioner koruuninik EU-tapitut akileeqqikkumassava, taamaalissappami nunatta karsianut ukiumut katillugit ajunaarutaassammata 200 millioner koruunit missaat.

Demokraatit isumaqarput, maani nunatsinniit sorsuutigiuannassagipput, nunat assigiinngitsut akornanni isumaqatigiissutitta annerpaamik isertitsissutiginnissaat, neriuppugullu, EU-mut isumaqatigiissutit taaneqartut suli pitsaanerulissasut tullissaani, isumaqatiginninnialerutta. Uagutsinnut pingaartuuvoq, isumaqatigiissutit suliffeqarfiutitsinnut nunatsinnullu pitsaanerpaajunissaat.

Tassalu Demokraatit oqallinnermut isummersuutaat.